



SAKSPAPIR

Saksnr	Utval	Type	Dato
13/2021	Levekårsutvalet	PS	04.05.2021
47/2021	Formannskap/plan- og økonomiutvalet	PS	01.06.2021
	Kommunestyret	PS	

Sakshandsamar	Arkiv	ArkivsakID
Ann Kristin Bolstad	FA-G11	21/582

UTGREIING AV UTVIDA HELSESTASJON FOR UNGDOM OPP TIL 25 ÅR

Kommunedirektøren sitt framlegg til vedtak:

Saka vert tatt til orientering

Levekårsutvalet - Sak 13/2021

LEV - Behandling:

Trond Olav Magnussen, H stilte spørsmål ved sin habilitet i saka, då han er tilsett ved Helsestasjonen. Levekårsutvalet vedtok samrøystes at Trond Olav Magnussen ikkje er ugild.

Amalie Johnsen Lunde, H la fram følgjande forslag til vedtak:

Helsestasjon for ungdom utvida aldersgrensa til 25 år som eit prøveprosjekt på 1 år, med oppstart så raskt som praktisk mogeleg. Prosjektet blir evaluert og aldersgrensa blir vurdert permanent utvida etter prøveperioden.

Amalie Johnsen Lunde, H, la deretter fram følgjande tilleggssforslag:

Vaksdal kommune søker i 2022 tilskot til ytterligare styrking av dette tiltaket gjennom tilskotsordninga "Styrking og utvikling av helsestasjons- og skolehelsetjenesten". Dette skal ikkje gå utover søknad om andre tiltak innanfor tenesta.

Utvalet drøfta saka.

Røysting

Kommunedirektøren sitt framlegg til vedtak vart sett opp mot Høgre sitt framlegg til vedtak.

Kommunedirektøren sitt framlegg fekk 3 stemmer (Mona Grenasberg, SV, Lisa Johnsen Lunde, Ap og Ole Anders Brekkhus, Ap) og falt. Høgre sitt framlegg fekk 4 stemmer (Evy Beate Kvamme, SV, Trond

Olav Magnussen, H og Amalie Johnsen Lunde, H og vart vedteken.

Høgre sitt tilleggforslag vart samrøystes vedteke.

LEV - Tilråding/Vedtak:

Levekårsutvalet si innstilling til kommunestyret:

Helsestasjon for ungdom utvida aldersgrensa til 25 år som eit prøveprosjekt på 1 år, med oppstart så raskt som praktisk mogeleg. Prosjektet blir evaluert og aldersgrensa blir vurdert permanent utvida etter prøveperioden.

Vaksdal kommune søker i 2022 tilskot til ytterligare styrking av dette tiltaket gjennom tilskotsordninga "Styrking og utvikling av helsestasjons- og skolehelsetjenesten". Dette skal ikkje gå utover søknad om andre tiltak innanfor tenesta.

Formannskap/plan- og økonomiutvalet - Sak 47/2021

FPØ - Behandling:

Formannskapet drøfta saka.

Levekårsutvalet si innstilling vart vedteke med 5 stemmer (H,SV,SP, FRP) mot 2 stemmer (Ap).

FPØ - Tilråding/Vedtak:

Formannskapet si innstilling til kommunestyret:

Helsestasjon for ungdom utvida aldersgrensa til 25 år som eit prøveprosjekt på 1 år, med oppstart så raskt som praktisk mogeleg. Prosjektet blir evaluert og aldersgrensa blir vurdert permanent utvida etter prøveperioden.

Vaksdal kommune søker i 2022 tilskot til ytterligare styrking av dette tiltaket gjennom tilskotsordninga "Styrking og utvikling av helsestasjons- og skolehelsetjenesten". Dette skal ikkje gå utover søknad om andre tiltak innanfor tenesta.

Saksopplysningar:

Heimel

Kommunestyret vedtok i PS - 97/2020 BUDSJETT 2021 – VAKSDAL KOMMUNE følgjande:

«Administrasjonen skal i løpet av fyrste halvdel av 2021 leggje fram ei sak om å auke aldersgrensa på helsestasjon for unge til 25 år. Saka skal inkludere dei organisatoriske og økonomiske konsekvensene av eit slikt tiltak, og moglegheit for å søke ekstern finansiering.»

Bakgrunn for saka

Kommunane i Noreg skal tilby helse- og omsorsteneste til barn og unge blant anna gjennom helsestasjonen og skulehelsetenesta. Helsestasjonen og skulehelsetenesta er sett saman av

- Helsestasjon for barn (0 – 5 år)
- Skulehelsetenesta
- Helsestasjon for ungdom (HFU)
- Svangerskapskontroll

Utgreiinga om å auke aldersgrensa på helsestasjonen for unge til opp til 25 år høyrer til under tilbodet Helsestasjon for ungdom (HFU). Kommunane skal gje eit gratis tilbod om helsestasjon til ungdom mellom 12 – 20 år. Helsestasjon for ungdom (HFU) skal vera eit supplement til og ikkje kome i staden for skulehelsetenesten. Unge har tilbod om skulehelseteneste både i grunnskulen og på vidaregåande skule.

Helsestasjon for ungdom (HFU) bør organiserast slik at det er tilpassa ungdommane sitt behov og vert gitt på deira premissar. Det bør opplevast tilgjengeleg for ungdommane, òg for dei som ikkje går på skule. Helsestasjon for ungdom (HFU) skal ha særleg fokus på å:

- Fremja trivsel og meistring
- Førebyggje uønska svangerskap
- Førebyggje og behandla seksuelt overførbare infeksjonar
- Førebyggje og avdekke psykiske plager og lidingar

Undersøkingar frå to ulike kommunar i Noreg har vist at ungdom tek kontakt med helsestasjon for ungdom (HFU) med spørsmål innanfor eit breitt spekter av tema. Mange tek kontakt med tenesta med spørsmål knytt til seksuell helse, prevensjon og seksuelt overførbare infeksjonar, men tenesta vert òg nytta av ungdom som har behov for å snakka med ein vaksen om til dømes kjærleikssorg, spiseforstyrningar, sjølvbilete, mobbing, samt tobakk, alkohol og andre rusmidlar (Helsedirektoratet, 2012). Denne undersøkinga stemmer med bilete helsestasjonen i Vaksdal har i høve kven som tek kontakt med helsestasjon for ungdom (HFU) hjå dei.

Når det gjeld aldersgruppa som skal få tilbod om helsestasjon for ungdom (HFU) seier rettleiaren frå Helsedirektoratet at helsestasjonen sjølv kan vurderer om det er behov for ei nedre aldersgrense for bruk av tenesta. Vidare seier rettleiaren at det i nokre kommunar kan vera ynskjeleg å utvida tilbod til å omfatta ungdom opp til 25 år. Rettleiaren nemner følgjande døme på kva kommunar dette kan gjelde:

- Større byar
- Kommunar med høgskular, folkehøgskular eller andre studiestader
- Kommunar som av andre grunnar har mange tilflytta unge

Det er opp til kommunane sjølv å vurderer om dei vil utvida tilbodet til ungdom utover 20 år.

Helsestasjon for ungdom (HFU) i Vaksdal har i dag tilbod til ungdom i aldersgruppa 12 – 20 år. Helsestasjonen har likevel tatt imot ungdom i alderen 20 – 25 år om desse har tatt kontakt.

Det er mogeleg å søkje ekstern finansiering til helsestasjonen gjennom Helsedirektoratet si tilskotsordning «Styrking og utvikling av helsestasjons- og skulehelsetjenesten». Målet for denne ordninga er å styrkja og utvikla kommunen si helsestasjons- og skulehelseteneste. Målgruppen er gravide og deira partnarar, barselfamiliar, og barn og unge og deira familiar.

Vurdering og konsekvensar

Når ein skal vurdera behov for å utvida aldesgruppa til helsestasjon for ungdom (HFU) i Vaksdal må ein leggja til grunn at kommunen ikkje har studietilbod i kommunen som tilseier at vi har mange studentar utover innbyggjarane som er busett her, eller mange tilflytta unge. Basert på kva kommunar som i større grad kan oppleve å ha behov for utvida alderen på helsestasjon for ungdom (HFU) vurdera kommunedirektøren difor at helsestasjonen kan fortsetja med tilbodet kommunen har i dag med HFU for aldersgruppa 12 – 20 år, men ein tek imot ungdom i aldersgruppa 20 – 25 år når desse tek kontakt. Talet på ungdom i aldersgruppa 20 – 25 år som tek kontakt pr. i dag er i eit omfang som gjer at helsestasjon for ungdom (HFU) kan løyse dette innanfor dei rammene dei har til ordinær drift.

Når det gjeld mogelegheit for å søkje ekstern finansiering til helsestasjonar kan kommunen søkje tilskot gjennom tilskotsordninga «Styrking og utvikling av helsestasjons- og skulehelsetjenesten». Helsestasjonen og skulehelsetenesta i Vaksdal har i 2020 og 2021 søkt og fått tilskot gjennom denne ordninga knytt til å styrka lågterskeltilbod til fysioterapi for barn og unge. Kommunedirektøren vurdera at helsestasjonen og skulehelsetenesta bør ha handlingsrom til å prioritera kva dei meiner er mest føremålstenelg å søkje tilskot om ut frå behova dei ser i tenesta. Om ein skal prioritera å søkje tilskot til auke av aldersgrensa på helsestasjon for ungdom (HFU), må helsestasjonen prioritera vekk andre behov dei har.